

Egei Jutha Nalama Nei

Tawale Ta

Tewe o ilo kedia tawale ibe, kuguo koꞑume Yesuha e mala, e huꞑe Jutha nalama, damaleyodele i o sasai ilo kediamokou neiyode tawale i. O Jemsbou o Jutbou diliebe eye mala.

Kuguo koꞑumaha sibigebe ta, 2 Pita 2-kou nalagai kenou tefei. Jutha kou gue nalai, niou tawaibou, kegeligi, ni ogou gai egei o, ta uwo bolofei dafa idi kedia ta dulo sesele iye.

Kuguo Jut koꞑumaha sibige kaha widio ta hiyebe tanou fei dala.

**Ni damaleyodei ke defeido tolou
dalaguali, ogou gai egei o, ta
uwo bolofei ke dafa idi kedia ta
ke tobekou muguma**

¹ Ame Jut, Yesu Kelesuha dabai degedi o, o Jemsha e mala. Nime Aye Godiha tagalemou haguamabeedema haguaisai. Yesu Kelesuha ni wolou dala kaha degemou, a nimokou kuguo kou kuhe nalama nelu.

2 Age Godihā n̄imokōu solōu do degedi midihōbōu, hohō degedi midihōbōu kē dege-gouba, n̄i bologuādo dalaguale kē tagali.

Ogōu gai egei o, t̄a uwo bolofej̄ dafa idi kedīame damaleyodele i o kedīa timīdu deleigui
(2 Pita 2:1-18)

3 M̄a mogodo diāma, a n̄imokōu Godihā di mamōu kaha t̄a kē kōu nalalamōu degeiye, kēnōu si a haba fimaj̄ kē fogōu mōu, dedej̄ sasagile tanōu nalama nelamōu degeli kuhe. Godihage, e o sasaj̄ kedīa emokōu damaleyodemabeedema kōu tobou kaha degeimōu, n̄i damaleyodei kēme defeido tolōu banōu suluguama.

4 Ogōu gai egei tobolōu idi o ilo kedīame n̄i duo kile amafej̄ fologa dalagua. Afu Godihā o kegele i kēme t̄a sama makoloyodema makai t̄a kēme kuguokōu nalaj̄ dala. Damaledo, o kedīa Godi tobekōu muguomōu tobolōu idibe, Godihā habagugueibe dibōu de dala kaha degeimōu, di tōu e tagadi midihō gehe gehe milōu goubabe, ege dimokōu midihō kasagaj̄ kaha hebe ta nele meiyode tobolōu idi. Kēme kasagaj̄ hiyedo, diage di Hiye O Yesu Kelesu, di Wolōu Daladi Hiye O eme tobekōu mugu dalagua.

5 A tobōu ladi ko□ume n̄iōu kōu teweye, kēnōu si n̄i totōu degeiye domōu, a haba tobōu lamōu. Hiye Ohage e o sasaj̄ sosogōu mōu, sa Isip tōu fogōu mōu kōu yaiye, kēnōu si habage, e

damaleyodele ili mei o sasaj olou fei woma mei degei.*

⁶ Esol o kedia degei kene tawama. Godihage e dabai ke esol o ilo kediamokou kou nemou iye, kenou si dia dabai ke degele dafamou fogou yai. Kegei kaha degemou, Hiye Ohage diame tigi tabale sagaj mei kaha tigigimamou, mihi duo mou gulido didio degema fogou dalagua. Kege dalaguali, sawisie hiye ke tama degeiba, kelege Godiha dia ta sama file.

⁷ Nebe kenou tefei, sa Sodobou, sa Gomorabou,* sa sa hafei dege deleigueibou olou fei ke tie o sasaj kedia sasaj hiyoubou, o hiyoubou suluguadi midihou kebou, tou e tagadi midihou kasagaj ilo kelebou de milou ga idi kaha hebe ke mala ibe, die sa olou feibe dou mei degediyo mei kaha nama mei degei.

Godiha afu o sasaj kediamokou hebe kasagaj kege kou nemou i kaha, dige midihou kasagaj milou gadi kaha dowo kese hebe kasagaj daladade tawame.

⁸ Nebe kenou tefei, ogou gai egei tobolou idi o kediane midihou kasagaj milou ga ili. Diage dihou bohou ga duguomou, dio[u] die tou e tagali sagaj kenou degelemou, Godiha ta tobekou muguomou, esol o kediamokou ne susuga tobolou idi.

⁹ Afu esol o hiye Maikel dilie Tama dilie, koyohage Moses tei ke molo[u] domou tae biya

* 1:5 1:5 Namba 14:26-35

* 1:7 1:7 Stat 19:1-29

i. Tæ biya iligibe, Maikelhage Tamakou be ta kasagai tobolou mou ta susuga tobou li mei, mou kou guenou tobou, Hiye O Godi yo unou nabou de biya tobolou yode tobou.

¹⁰ Kenou si, ogou gai egei tobolou idi o kediage bi olou fei, dia sibige ta tawaiyo mei kokou be bou baganou tobolou idi. Diame gali totou degele i ke sagai. Die midihog kegei kahage, dio usienou makolo idi.

¹¹ Ogou gai egei o kediane dio u tawaibou. Midihog kasagai, o Keinha* milou ke, diane milolou idi. Diame o Balamnou * tefei, die ogou gai egei hehegiedi dabai kaha hebe sele molo u sagai hiyedo degele idi.

O Kora* e Godiha ta tobekou mugu sagai kenou tefei, diane Godiha ta ta dulo ili mei kaha degemou, diame makolo ile dala.

¹² Ni kefeguo, fi tanou degemou, nale nala imou be, ogou gai egei o kediane ya fologa, nibou de nale nala idi. Nale nala iligi, ni dihile kokou sidifibou mei, midihog sibigibou degelemou, gili dege dio u die finou tolou idi. Diame mabi, wiye mala ima haguama dedi ke sa degei, huei todiyo mei. Diame hebeye e a kelege kolo madiyo mei ke sa degei. Hebe sale fiyoumou obe yokou tolou tele filei ke sa degei.

¹³ Diame midihog kasagai kege kou mou milou

* **1:11 1:11** Stat 4:3-8. * **1:11 1:11** Namba 22:4-35. * **1:11 1:11** Namba 16:1-35.

gamōu suluguadi, sidifi ta degele idiyo mei. Tō bobouye tō biyakōu tō tuobōu kofaibōu de maḍi kenōu tefei. Tabe, diame kuidihō, agudiletōu mōu yoḥuwa suluguadi ke sa degei. Kegei kaha, diame sa huliado, Godiha kōu milōu ma maji dala kokōu ya, tofousogo tofousogo kegenōu dalaguale.

14 O Enok e kōu guai obe Adam. O Adambe sasafei o, haba o habage haguā ibe demōu o Enokbe dio haguai. Kegemōu, Enokhage ogōu gai egei o kediamokōu habage tamā degele ke kōu gue tobou, Hiye Oha e yoḥu e esol o 1000 olōu fei sūdo kege sosogōu haguale.

15 Haguasieba, o sasai olōu fei tā sama fileba, egei dulo idiyo mei obōu, Godi tobekōu muguomōu midihō kasagai milōu ga idi obōu, emokōu tā kasagai tobolōu idi obōu olōu fei kediamē hebe kasagai malā ileyode tobōu ba dioḥu dulo tawale ile.

16 Ogōu gai egei tobolōu idi o kediage hohō degele idiyo mei. Gofōḥu tanōu tobolōu mōu, dioḥu die tōu e tagali midihō kasagai kenōu milōu gamōu suluguali, dioḥusie hiye degele idi. O ilo kelege die midihō ke sesemabdomōu, tā sebe dege tobolōu idi.

Nime ni damaleyodei kahanōu neḷedo dege dogōu guo dalaba suluguamabeedei

17 Ma mogodo diama, nige habage tama degele kaha ta, di Hiye O Yesu Kelesuha ta-bolofei-mala-suluguadi-o kedia tobolou idi ke tawama.

18 Diage kou gue tobolou idi, uwage sawisieie hafei degeli kelegebe, susuga tobolou idi o ilo kedia Godi tobekou muguoba, dioou tagaliya kenou sulugualeyode tobolou idi.

19 O kediame ogou gai egei tobolou idi onou. Dia degeiye, damaleyodele i o ilo kele di egei dulo idi ke dafama, haba egei gehe dulamou fogou yadi. Ogou gai egei tobou di o kediame sa sibige kounumaha midihou kenou milou ga idi, Duo Bolofeiibe diabou de dala mei.

20 Ma mogodo diama, ninou si Godikou damaleyodele i kaha degemou, nime Godiha yoounou dogou guo dalaba suluguama. Sulugalibe, Duo Bolofeiha huya ke dihou baga tobou mou suluguama.

21 Nime Godiha ni tagaibanou suluguama. Kege sulugalibe, di Hiye O Yesu Kelesuha hagua, ni solou do dege mala ile folouba, nime e sakou tofousogo tofousogo kegenou dalale ke dia dalaguama.

22 Damaleyodele i o sasai ilo kele fimai bolou dege dalaguababe, nige diamokou solou do degeba dedei sasagiema.

23 O sasai, douye nala dalagua sagai kediame nige toto figa muguma. Midihou kasagai milou gadi o sasai kediakokou solou do degema. Kenou si, solou dobou guebou de degema. Yobe,

midihō kasagai dia milou kahage, die duobou, haba die yukueibou debe sibigibou dalagua kaha degemou. Kegeligi, nine midihō dia degeli sagai kenou milou ga iye.

Di Godihā hu hebele fogume

²⁴ Godihage nime mihikou fiyasigeiye domou defeido dia dala. Ege ni mala ile, e sa bolodo kokou dogoguba, ni hohō hiyedo degele ile, yobe nime hebe kasagai ke ta mala ile mei. Kegei kaha degemou, di Godikou hohobou me.

²⁵ Godibe tanou fei. Eme di Mamou O kaha degeimou, Hiye O Yesu Kelesuha huya ke di emokou hohobou me. E hohobe bolodo, di ta tawaga tobolou sagai mei. E hubou e nelebou debe hiyedo folodo. O sasai olou feido e ta dulo sesemabeedei. Godi eme afudo delei, ifine dala, habagene yonu kegenou dalale. Damaledo.

Konai
Konai: Godihā Tā Bolofej New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94